

PRU-13: Manifesto pembangkang tidak diperinci dengan jelas - TPM
Utusan Online
02 May, 2013

KUANTAN 1 Mei - Tan Sri Muhyiddin Yassin berkata, manifesto pakatan pembangkang banyak berselindung dan tidak diperincikan dengan jelas mengenai perlaksanaannya.

Misalnya, Timbalan Perdana Menteri berkata, mereka berjanji menurunkan harga minyak tetapi tidak dinyatakan berapa hendak diturunkan dan dari mana dana untuk melaksanakannya.

"Sebab itu, tidak pelik jika selepas ini Ketua Pembangkang, Datuk Seri Anwar Ibrahim kata segala manifesto itu hanya cakap sahaja dan bukan merupakan sebuah janji.

"Malah, Menteri Besar Selangor, Tan Sri Abdul Khalid Ibrahim juga telah menyatakan bahawa manifesto itu bukan janji," katanya ketika berucap pada majlis Himpunan Rakyat 1Malaysia bersama Timbalan Perdana Menteri di Padang Awam Taman Tas di sini hari ini. - UTUSAN ONLINE

Hakcipta Terpelihara © UTUSAN MELAYU (M) BERHAD

Source : http://www.utusan.com.my/utusan/Pilihan_Raya/20130502/px_95/PRU-13-Manifesto-pembangkang-tidak-diperinci-dengan-jelas---TPM#ixzz2ZoFEAWzo